



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-7345/18
Sarajevo, 22.03.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama („Službeni glasnik Bosne i Hercegovine”, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2018. godinu, imenovane Rješenjem broj 01/5-1-14-4-2073 od 12.03.2018. godine u postupku provođenja tenderske procedure za nabavku opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo, putem otvorenog postupka, ministar unutrašnjih poslova Kantona Sarajevo, **d o n o s i,**

ODLUKU

o izboru ponuđača za nabavku opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo

I

Na osnovu Odluke broj 01-14-4-7345 od 18.10.2018. godine i Obavještenja o nabavci broj 1364-1-1-49-3-43/18 od 16.11.2018. godine, proveden je otvoreni postupak za nabavku opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo. Komisija je shodno Zakonu o javnim nabavkama, primjenjujući kriterij "najniža cijena", zapisnikom o pregledu i ocjeni ponuda, a prema uputama datim od strane Ureda za razmatranje žalbi, dala preporuku da se donese Odluka o dodjeli ugovora ponuđaču Sword Security d.o.o. Sarajevo **sa ponudom u iznosu od 62.378,00 KM bez PDV-a.** Obračunati PDV je 10.604,26 KM i ukupna cijena ponude sa PDV-om je 72.982,26 KM.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova Odluka stupa na snagu danom donošenja.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Obrazloženje

Na osnovu Odluke o pokretanju postupka broj 01-14-4-7345 od 18.10.2018. godine i Obavještenja o nabavci broj 1364-1-1-49-3-43/18 od 16.11.2018. godine, proveden je otvoreni postupak za nabavku opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo.

Komisija je konstatovala da je na osnovu Obavještenja o nabavci broj 1364-1-1-49-3-43/18 od 16.11.2018. godine, proveden otvoreni postupak za nabavku opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo, te je javno otvaranje ponuda izvršeno dana 06.12.2018. godine u 12.00 sati, što je konstatovano zapisnikom sa otvaranja ponuda od 06.12.2018.godine.

Dostavljanje zapisnika sa otvaranja ponuda učesnicima postupka nabavke je izvršeno u zakonskom roku, nakon čega je Komisija sačinila Zapisnik o pregledu i ocjeni ponuda.

U vezi sa navedenim, dana 07.12.2018. godine donesena je Odluka o izboru ponuđača za nabavku "Opreme za unutrašnji video nadzor na lokacijama za izdavanje ličnih dokumenata za potrebe Uprave administracije Ministarstva unutrašnjih poslova Kantona Sarajevo", te je kao najpovoljniji ponuđač odabran Middle point electronics d.o.o. Sarajevo. Navedena odluka dostavljena je svim ponuđačima redovnom poštom, te javno objavljena na internet stranici ovog Ministarstva.

Dana 19.12.2018. godine, Komisiji za javne nabavke ovog Ministarstva dostavljena je žalba ponuđača Sword Security d.o.o. Sarajevo redovnom poštom.

Povodom žalbe, sačinjeno je izjašnjenje ovog organa i dostavljeno na nadležno postupanje Uredu za razmatranje žalbi dana 21.12.2018. godine aktom broj 01-14-4-7345/18.

Ured za razmatranje žalbi je rješenjem broj JN2-03-07-1-1793-10/18 od 24.01.2019. godine žalbu usvojio, prihvatio navode žalitelja o neispravnosti ponude ponuđača Middle point electronics d.o.o. Sarajevo, poništio Odluku o izboru najpovoljnijeg ponuđača i uputio ugovorni organ da izvrši provjeru da li je račun kompanije Sword security d.o.o. Sarajevo bio blokiran u periodu 6 mjeseci do dana 17.11.2018. godine i nastavi sa postupkom javne nabavke.

Ugovorni organ je postupio u skladu sa nalogom Ureda za razmatranje žalbi datim u rješenju broj i datum gornji, te je dana 31.01.2019. godine upućen akt provjere broj 01/4-14-4-7345/18 prema Sberbank BH d.d.

Dana 07.02.2019. godine, ovom organu dostavljen je akt Sberbank BH d.d. broj 6150-22-1-148/2019, kojim je potvrđeno da račun kompanije Sword security d.o.o. ima glavni račun otvoren u Sberbank BH d.d. broj 1401010002797513, da je isti solventan, aktivan i da nije bio blokiran u periodu 17.05.2018. – 17.11.2018. godine.

Uzimajući u obzir navedeno, kao i da je rješenjem Ureda za razmatranje žalbi ponuda ponuđača Middle point electronics d.o.o. Sarajevo oglašena kao neispravna, usljed činjenice da ispravke rađene na obrascu za cijenu ponude nisu ispravno obilježene pečatom i potpisom, kao i da su otklonjene sve prepreke za ispravnost ponude ponuđača Sword Security d.o.o. u skladu sa



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16




rezultatom cjelokupnog postupka, a prema uputama datim od strane Ureda za razmatranje žalbi kao i da su planom nabavki za 2019.godinu predviđena sredstva za ovu namjenu, Komisija je na sastanku održanom 22.03.2019. godine sa početkom u 15:00 sati usaglasila stav i jednoglasno **dala preporuku** ministru unutrašnjih poslova Kantona Sarajevo da donese **Odluku o dodjeli ugovora za ponuđača Sword Security d.o.o. Sarajevo** - za ponudu u iznosu od 62.378,00 KM bez PDV-a. Obračunati PDV je 10.604,26 KM i ukupna cijena ponude sa PDV-om je 72.982,26 KM.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Odluke, a u skladu sa čl. 99. i 101. Zakona o javnim nabavkama.



DOSTAVITI:

1. Upravi podrške;
2. Komisiji za javne nabavke;
3. Odjeljenju za odnose sa javnošću;
4. Ponuđačima x2;
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

